

2. Сейед Мохаммад Хатами. Традиция и мысль во власти авторитаризма/ Пер. с персидского Х.Вахриза.- М.: Издательство Московского университета, 2001.

3. Кирабаев Н.С. Социальная философия мусульманского Востока//Социальная философия мусульманского Востока (эпоха средневековья). - М.: Изд-во УДН, 1987.

4. Ал-Фараби. Трактат о взглядах жителей добродетельного города.- Алма-Ата: Наука, 1973.

5. Туманян Т.Г. Политический идеал аль-Фараби и греческая философская традиция//Третьи Торчиновские чтения.- СПб.: изд-во Санк-Петербур. ун-та, 2006.

<https://doi.org/10.34920/uzxdmk/2022/049>

## **O'ZBEKISTONDA YOSHLARGA OID DAVLAT SIYOSATI - YOSHLAR IQTIDORINI NAMOYON QILISH IMKONIYATLARI.**

*To'xtayeva Matluba*

*Ijtimoiy gumanitar fanlar kafedrasi o'qituvchisi*

*Afro'za Norboyeva*

*Oriental Universiteti Pedagogika va psixologiya fakulteti talabasi*

**Annotatsiya:** Ushbu maqolada yangi O'zbekiston sharoitida yoshlarga oid davlat siyosatining asosiy yo'nalishlari tahlil qilingan. Jamiyatda huquqiy madaniyatni yuksaltirishning yoshlar tarbiyasidagi o'rni ochib

berilgan. Yoshlarga oid davlat siyosatini davom ettirishda yangicha go'yalar tashkil etish kabi bir qator masalalar ko'rilgan.

**Kalit so'zlar:** Yangi O'zbekiston, yoshlarga oid davlat siyosati, iqtidorli yoshlar, besh tashabbus, ma'naviy barkamollik, uchinchi Renesseans.

Sayyoramizning ertangi kuni, farovonligi farzandlarimiz qanday inson bo'lib kamolga yetishi bilan bog'liq. Bizning asosiy vazifamiz – yoshlarning o'z salohiyatini namoyon qilishi uchun zarur sharoitlar yaratishdan iborat.

Har qanday davlatning tarixiy taraqqiyot yo'lidan ma'lumki, yurtning jadal rivojlanishi, muayyan yutuqlarga erishishi, xalqning farovon bo'lishi o'sha davlatda yoshlar ta'lim-tarbiyasi va kelajagiga beriladigan e'tibor darajasiga bog'liq. Shu ma'noda, O'zbekistonda yoshlar masalasi davlat siyosatining eng ustuvor yo'nalishlaridan biri hisoblanadi. Mamlakatda yoshlarning huquq va manfaatlarini himoya qilish, ularga zarur shart-sharoitlar va imkoniyatlarni yaratib berish borasida mustahkam huquqiy baza yaratilganligi va bu tizim zamon talablariga hamohang ravishda takomillashtirib borilmoqda. Hususan, bugungacha parlament tomonidan yoshlarga oid 40 dan ziyod qonun hujjatlari qabul qilingan bo'lib, 30 dan ortiq xaqlaro huquqiy hujjatlar ratifikatsiya qilingan. Shavkat Mirziyoyevning O'zbekiston Respublikasi Prezidenti sifatida birinchi imzolagan qonun hujjati – 2016-yil 14-sentabrdagi «Yoshlarga oid davlat siyosati to'g'risida»gi Qonun ekanida ham ramziy mazmun-mohiyat mujassam. Binobarin, aholisining yarmidan ko'prog'i yoshlardan iborat bo'lgan mamlakatda yoshlarga oid davlat siyosatini izchil amalga oshirish,

yosh avlodni har tomonlama yetuk va barkamol, intellektual salohiyatli, o‘z qat’iy pozitsiyasiga ega, yurtda amalga oshirilayotgan islohotlarga befarq bo‘lmagan, yurtning ertangi munosib kelajagi uchun daxldorlikka tayyor, maqsadga intiluvchan, serg‘ayrat, vatanparvar, sadoqatli, komil shaxslar sifatida tarbiyalash O‘zbekistonni dunyoning eng rivojlangan davlatlari safidan o‘rin olishining muhim omili ekanini mamlakat rahbari va hukumat yaxshi anglaydi. O‘zbekiston Prezidenti tomonidan 2018-yil 27-iyunda imzolangan «Yoshlar – kelajagimiz» Davlat dasturi to‘g‘risida»gi Farmon bu boradagi ishlar samaradorligini oshirishga qaratilgan muhim hujjat bo‘ldi. Farmon bilan «Yoshlar – kelajagimiz» jamg‘armasi tashkil etildi va ushbu jamg‘arma yoshlarning biznes tashabbuslari, startaplari, g‘oyalari va loyihalarini amalga oshirish uchun tijorat banklari orqali yillik 7 foiz stavka bilan imtiyozli kredit va mol-mulkni lizingga berishi belgilab qo‘yildi. Ushbu hujjatga e’tibor qaratilsa, yoshlar tadbirkorligi va tashabbuskorligini kompleks rivojlantirish vazifalari aniq va tizimli belgilanganligini ko‘rish mumkin. Muxtasar aytganda, O‘zbekistonda yoshlarga oid davlat siyosati aniq maqsadlarni ko‘zlagan holda, bosqichma-bosqich, kompleks chora-tadbirlarga asoslangan holda izchil davom ettirilmoqda.

Bu borada Shavkat Mirziyoyev tomonidan ijtimoiy, ma’naviy-ma’rifiy sohalardagi sa’y-harakatlarni tizimli asosda yo‘lga qo‘yish bo‘yicha 5 ta muhim tasabbusning ilgari surilishi O‘zbekiston tarixida yoshlar ta’lim-tarbiyasi bo‘yicha yana bir yangi bosqichni boshlab berdi. Yoshlarni internetdagi zararli xurujlardan asrash, ularni axborot texnologiyalaridan unumli foydalanishga o‘rgatish masalalari bo‘yicha

ilg'or xalqaro tajribalar asosida barcha hududlarda Raqamli texnologiyalar o'quv markazlari tashkil etiladi. Bu maskanlarda elektron tijorat va dasturlash bepul o'rgatilishi, axborot texnologiyalari sohasida biznes bo'yicha innovatsion ko'nikmalar shakllantirilishi bo'yicha «startap» loyihalarga yordam ko'rsatilishi. Shuningdek, 2021-yilgacha barcha maktablardagi kompyuter sinflarini zamonaviy texnologiyalar va yuqori tezlikdagi internet tarmog'i bilan ta'minlash bo'yicha chora-tadbirlar rejasi ishlab chiqilib, bosqichama-bosqich amalga oshirilishi. Yangi tashkil etiladigan kompyuter o'yinlari markazlari yosh avlodning bilim va dunyoqarashini kengaytirishga qaratilgan test, viktorina, rivojlanish strategiyalari va boshqa foydali dasturlar bilan ta'minlanadi va yoshlarimizni internetdan unumli foydalanishiga zamin yaratiladi desak ayni mudao bo'ladi.

Prezidentimiz Shavkat Mirziyoyev O'zbekiston yoshlar forumida ta'kidlab o'tgandek "Men har gal yoshlarimiz bilan uchrashganimda, sizlarning g'ayrat-shijoatingizdan kuch-quvvat olaman, ko'nglim tog'day ko'tariladi. Har biringiz jonajon Vatanimiz va xalqimizga sidqidildan xizmat qilish orzusi bilan yonib yashayotganingizni yaxshi bilaman. Sizlarni O'zbekistonning eng katta boyligi, bebaho xazinasini sifatida yuksak qadrlayman. Biz yurtimizda qanday islohotlarga qo'l urmaylik, avvalo, siz kabi yoshlarga, sizlarning kuch-g'ayratingiz va azmu shijoatingizga suyanamiz. Barchangiz yaxshi bilasiz, biz bugun o'z oldimizga ulkan marralarni qo'yganmiz. Ona Vatanimizda Uchinchi Renessans poydevorini yaratishga kirishdik. Sizlar mustaqillik farzandlarisiz. Ota-bobolaringiz

ko‘rgan to‘siq va qiyinchiliklarni ko‘rmas, ozod Vatanda erkin nafas olib voyaga yetayapsizlar. Yuksak maqsadlar yo‘lida siz – yoshlar hal qiluvchi kuch bo‘lishingiz kerak.

Men sizlarning zimmangizga yuklangan ana shunday ulkan mas‘uliyatni, tom ma‘nodagi tarixiy vazifani sharaf bilan ado etishingizga qat‘iy ishonaman. Dunyoda globallashuv va raqobat tobora kuchayib borayotgan bugungi vaziyatda barcha sohalarda yuksak bilimli kadrlarni tayyorlamasak, taraqqiyotdan ortda qolib ketishimiz mumkin. Sizlarga yana bir muhim yangilikni aytib o‘tmoqchiman. Keyingi yildan oliy ta‘lim muassasalariga kirish imtihonlarida eng yuqori ball to‘plagan 200 nafar yoshlar uchun Prezident granti joriy etiladi. Agar mavjud Prezident stipendiyasi faqat bir o‘quv yili uchun mo‘ljallangan bo‘lsa, ushbu grant talaba o‘qishni bitirguniga qadar, ya‘ni, to‘rt yil davomida to‘lab boriladi. Shuningdek, kelgusi o‘quv yilidan boshlab, respublikamizdagi xorijiy oliy o‘quv yurtlarining bakalavriat bosqichi talabalari uchun ham Prezident va davlat stipendiyalari joriy etiladi. Shunday ekan, ularga bugun g‘amxo‘rlik qilib, iste‘dodini rag‘batlantirsak, o‘ylaymanki, bu ham adolatdan bo‘ladi”.

Davlatning qudratini belgilaydigan omillardan biri bu tili va dini bo‘ladigan bo‘lsa keyingi novbatda uning kelajagi va avlodi sanaladi. Shubhasiz ma‘nan yetuk, jismonan sog‘lom, har tomonlama barkamol avlodni voyaga yetgazdirishdir. Shu ma‘noda, bugungi kunda mamlakatimizda sog‘lom avlodni tarbiyalash naqadar muhim, ma‘suliyatli vazifa ekani barchamizga aniq ayondir. Yoshlarga, bolalarga e‘tibor, darhaqiqat, kelajakga qo‘yilgan sarmoyadir. Vaholanki kuchli

fuqarolik jamiyatiga asoslangan huquqiy-demokratik davlat qurish yoshlarimizning faol ishtiroki,qo'llab quvvatlashi orqaligina amalga oshadi,ma'naviyati yuksak, chuqur bilimli, zamonaviy fikrlaydigan, intellektual rivojlangan va professional tayyorgarlikga ega bo'lgan o'g'il-qizlarni tarbiyalash buyuk kelajagimizni ta'minlashiga shubhamiz yo'q.Sababi biz kabi yosh avlodning tomirida buyuk ajdodlarimiz qoni oqmoqda.

### **Foydalanilgan adabiyotlar ro'yxati:**

1. 2016 yil 14-sentyabrdagi “Yoshlarga oid davlat siyosati to'g'risida”gi Qonun /<https://lex.uz/docs/3026246>
2. O'zbekiston Respublikasi Prezidenti Shavkat Mirziyoyevning BMT 72-sessiyasida so'zlagan nutqi //<https:uza.uz.uz/posts/zbekistan-prezidenti-shavkat-mirziyayev-bmt-bosh-assambleyasi-20-09-2017>
3. O'zbekiston Respublikasi Prezidenti Shavkat Mirziyoyevning O'zbekiston yoshlar forumid so'zlagan ma'ruzasi //[https:uza.uz.uz/posts/zbekistan-prezidenti-shavkat-mirziyayevning-o'zbekiston-yoshlar-forumida-so'zlagan-nutqi\\_](https:uza.uz.uz/posts/zbekistan-prezidenti-shavkat-mirziyayevning-o'zbekiston-yoshlar-forumida-so'zlagan-nutqi_)